


D


7

36.



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Magl. D.7.36






Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Magl. D.7.36



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Magl. D.7.36



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Magl. D.7.36

D. 7. 36.

È una delle tre edizioni romane citate dall'
Andréas nel suo Cat. Rom. Ed. Sæ. XV
(423) di questa famosa invettiva del Montanus
contro Lorenzo de' Medici (1478 o 1479).
Sono tutte rarissime, talché il Sassi
(Hist. Typ. Lib. Mediceæ vol. 158. 8.) ritenne
che quest'edizione non vedeva la luce -
Caratteri semigotici di Stefano Plantin
Jh.

Oratio Cole Montani ad Lucenses.

Magnum gaudium adnuncio vobis viri Lucenses Ro-
manus pontifex et Sicilie Rex amicitiam et societatem ve-
stram petiit miserunt Judas machabeus cum populi Roma-
ni amicitiam et societatem per legatos petisset leto senatu et popu-
lo receptus est. Quanto vos Romanis estis inferiore quanto Si-
cilie Rex et summus pontifex vel dignitate vel potentia vel opum
et imperij magnitudine machabeo superiores. quanto hij vobis
quod ille Romanis viciniore. Tanto vos conuenit duorum mun-
di luminum societatem auidius complecti. Semper apud omnes
nationes ampla fuit Regum et pontificum auctoritas et reueren-
tia. Romani ex amicitia et societate Machabei preter labores et im-
pensas nihil sperantes. sue tamen rei publice decoris existimaue-
runt si cum probro et religioso viro quod imperij viribus eriguo soci-
etatem coirent. vos cum duobus Italie atque adeo mundi princi-
pibus quorum fauore beatitudinem consequi vobis licet societa-
tem inire dubitabitis. Sed heret forsitan aliquis vestrum quod a so-
cietate cum Florentinis quondam inita discedi non putat oportere. va-
na est hec cogitatio viris Lucensium. Timor et necessitas non volun-
tas nec beniuolentia societatem illam conciliauit. Inter Florenti-
nos enim spoliatores et Lucensium ab eis spoliatos mutilatosque suis
ornamentis et precipuis membris non alia potest beniuolentia quam
que inter lupos et agnos solet intercedere in hanc sententiam plu-
ra non reor dici oportere ne frustra probare nitamur quod vos vltro
prositeamini necesse est. et quod nemo ignorat qui de illorum tempo-
rum rationibus aliquid intelligit. Jam nunc abiit causa societa-
tis timor. Cur non recedat. societas timoris effectus. nihil violen-
tum durable. minime autem violenta foedera que maxime om-
nium libero consensu conciliari oportet. Spurius postumius et
C. veturius duces exercitus Romani ad furcas caudinas a sam-
nitibus fraude circumuerti pacem cum hostibus pepigere id foe-
dus quoniam ab inuitis per necessitatem non libero arbitrio fa-



ctum constabat senatus damnabit. Senatus autem iudicium se
quentiuz prelioz fortuna probauit Samnitibus crebro fugatis ce
lisq; ac demum in seruitutem redactis. Antiquum est et vulgare
proverbium coactos per vim homines omni iure solutos ⁊ foede
ra non stare que sint facta metu sapientum voce predicatur. Ate
nim fugamus societatem cum Florentinis ab initio optima rati
one conciliatam fuisse. Quid est aliud societatis foedus nisi cer
ta colligationis forma. qua omnes connexi equaliter tenentur. ea
videlicet ratione. vt quicumq; societatis iura fregerit impune ac
sine perfidie culpa ab alijs fractam sibi fidem sentiat. Non obscu
rum est proverbium. fidem frangenti non seruandam esse fidem
Et qui perfido fidem prestat non fidelis in alium sed proditor in
seipsum iudicatur. Multi veteres gentilium. Iudeorum Christi
anorum eos qui fidem violassent nullius rei aut facti compensa
tione seruandos existimarunt. Sic Tullius Romanorum Rex
Metiom suffetium Albanorum dictatorem q; ille fidem non pla
ne seruauit quicq; socium ⁊ amicum quadrigis diripuit. Sic Pe
trus Apostolus Ananiam cum vxore illius Saphira q; agri sui
precium donantes non totum plena fide ad Apostolorum pedes
retulerant verbis castigant occidit. Sic David Rex trucidauit
Amalachitam. Quid plura. Deus omnipotens populo suo pdo
la colenti promissa non seruauit. Si Florentinorum tyranni hoc
est domus Medicorum ab initio societatis montem Charoli et
Motronem ex pacto reddiderunt vobis. Si sepe alias et nuper
in bello Venuentium fideles nobis extiterunt. Si vos fraude
sua in bellum periculosissimum falsa auxiliorum suozu spe conie
ctos non prodiderunt. reddite vicem bonis socijs. et parem fidei
graciam referte sin vos omni fraudum genere circumuentos in
extremas calamitates impellere temptarunt impulissentq; in vo
bis auctoritate sua Rex ac pontifex subuenissent. Que vestra est
bonitas. ne dicam stultia proditoribus fidei seruande titulo per
fidie fomites ministrare. Inimicos vestros subleuare. Amicos
deserere. quid est aliud q; vestram libertatem. vestras opes. ve

stras viros et liberos prodere. Equidem miroz viri Lucenses
quemquam esse tam rudem qui in priuatis duarum Ciuitatum
foederibus earum alteri etiam post multas alterius in se frandes
tenendam iudicet fidem. de communi christianorum fide nullaz
curam habeat. An vos obliti estis quid agat in terris pontifex
Romanus. Dominus est omnium Christianorum. Nullum foe/
dus. Nulla lex nec publica nec priuata contra Romani pontifi/
cis auctoritatem sanciri potest. Vult Christi vicarius legez ac foe/
dera valere valent. vult abolere cadunt. iuste aut iniuste sancit ⁊
abolet. nihil ad nos ipse viderit. Hos quecumq; preceperit nisi pa/
remus profani sumus ⁊ anatheme. q̄q̄ defendere possum. nihil
esse iniustum quod velit pontifex. deus est terremus. sufficit pro/
ratione ipsius voluntas. Temerarij dementisq; est os in celoz po/
nere. Dixit insipiens in corde suo non est deus. Corrupti sunt et
abominabiles facti sunt. Caiphas in euangelio non q̄ sciret qd
diceret sed cum esset pontifex illius anni pphetauit. Nimirum pon/
tifer errare non potest. scz operatur in eo spiritus sanctus. ⁊ quis
ne ipse quidem factorum dictorumq; suorum rationem explicare
valeat. nihil tamen agit nisi sanctum. est enim vicarius dñi cui⁹
iudicia abissus multa ⁊ nemo fuit consiliarius eius. Quecumq;
scripta sunt ad nostram doctrinam scripta sunt. Balaam Briolus
cum ad maledicendum populo dei asina veberetur angelo in via
resistente humanis verbis contra dominum suum asina disputa/
uit. videlicet demonstrare dominus voluit facilius vniverse na/
ture ordinem confundi posse q̄ pontifex. qui per figuram sub ari/
olorum persona significantur vel cupientes quicq; contra dei vo/
luntatem aut agere possint aut loqui Quorsum licet aliquis di/
cet quorsum vt perspicias quanto in errore volutemini. Lauren/
tius medicus ne dicam an plagiarius pontificali Apostolicaq;
censura. immo vera Celesti fulmine ictus est diaboli attribui/
tus. furij concessus cum omnibus siue Florentinis siue alieni/
ginis quicq; illius impio furori quolibet modo affuerint. quicq;
pro viribus suis nephariū Christi hostem non oppugnarint. Si

Laurentio fraterna caritate et artissimo sanguinis vinculo essetis omnes coniuncti. tamen diuini iudici fulmina vitantes caritatem in odium conuertere et Christi inimico inimicicias et publice et priuatim indicere atque exercere deberetis. propter huiusmodi consultationes Ihesus dicit. Non veni in terram mittere pacem sed gladium. propter me surget homo contra patrem suum et filia contra matrem suam et nurus contra socrum suam et inimici hominis proximi eius. Qui diligit patrem suum aut matrem suam plus quam deum non est deo dignus. et vos pontificis mandatis hoc est nutibus diuinis nequandissimi Tiranni gratiam preferetis. Multi religionum spretores ab impiorum societate calamitatum suarum exemplis sanos homines deterrent. Claudius pulcher et Caius flaminus ille primo hic secundo Romanorum aduersus Cartaginem bello ob contemptas religiones in agno suo et patrie damno superati sunt Marcum crassum contra Romanorum religiones bellum partis inferentem a tribuno plebis furijs deuotum primo certamine cum toto exercitu victum amisso pirus filio perisse. non aliam ob causam quam quod religiones spreuerat proximi inter Romanos et parthos certaminis fortuna probauit. cum Caius Cassius eiusdem crassi questor paucis ac trepidantibus reliquis de fugiente exercitu collectis parthos toto exercitu fuso et caeso duce et filio eius feroces superauit. maioremque quam Crassus acceperat plagam patris reddidit non enim opibus et virtute sua Crassum parthi vicerant. nam ita crassum multo facilius vicerant. sed Crassum sprete religiones et deuotio tribunicia libidini hostium permiserunt. Cassio virtus Romana nullo numine contrario victoriam peperit. si contra religionem quamuis falsam arma gerentes victoriam hosti ceteris rebus inferiori tamen reliquerunt. cur vos Laurentio sancte vniceque religionis hosti nefario anatheme excommunicato pontificali execratione deuoto occisorum ab se ciuium sacerdotum pontificum vmbis assidue infestato nulla belli ope rei aut pontifici conferendo. ridicula fidei ostentatione cum periculo nostre libertatis et omnium bonorum

vestrorum adherentis. primus iudeorum rex Saul aut propheta
Samuele vinctus quod diu diuine voluntati et pro bene consilijs ob-
temperauit ubique victor hostium. postea quod contumaci spiritu di-
uinam iram prouocauit regali vinctione per eundem prophetam
ad Dauidem clam translata. quod in hostes diuine legis dimica-
ret Saul telis eorum confossus super gladium suum irruens mi-
serabiliter de vita migravit. cumque illo filij tres et alij multi hoc so-
lo nocentes quod saulem non deseruerint neglecte religionis pe-
nas acerba morte luerunt. vos Laurentio non regi sed tyranno non
vnius perperam facti contumacia sed perpetuis per totam vitam
vfuris prodicionibus cedibus rapinis omnium scelerum et impie-
tatis genere diuinam iram merito. non clam per vnum quemuis
christi seruum sed palam per Romanum pontificem christi vicari-
um in orbis terrarum conspectu non regali vinctione quare nunquam
attigit nunquam cum omni sua temeritate sperare ausus est sed om-
ni humanitatis usu et consuetudine depulso non contra diuine le-
gis hostes sed contra vicarium christi contra celum arma ferenti
nos inquam tanto monstro societatem quam nunquam iniuristis serua-
re pergentes breui et illi et amicis illius debitas ferre calamitates
expectatis. at qui vetusta sunt exempla hec et a nostris temporibus
longe remota. quid Pisanos vicinos vestros etate patrum no-
stroreum quid nostra Sigismundum malatestam eximium inter
Italicos principes cum multis eius fautoribus nisi diuina ira et
pontificalis deuotio ad exitum miserabilem perduxit. Vera sunt
ista viri Lucenses. et que auimus quantumuis sopitum excitare que-
ant. illa multo veriora que restant res cum Florentinis so-
cietatem iunxistis cum libera adhuc esset illa ciuitas cum pactij
Aerones Acciarioli Soderini suis sententijs et auctoritate sua flo-
rentinorum rei publice gubernarent. nunc ille familie sceleribus
Laurentij partim cedibus delete partim in exilium deturbare ex
iure federis antiqui auxilium vestrum implorent. Quid est a ra-
tione remotius quam eos cum quibus societatem sanxeris eiusdem
societatis causa ad excidium prosequi et tyranno contra illorum

salutem libertatemq; inani fidelitatis titulo fauere. nihil est in
rerum natura magis contrarium q̃ libertas tyranno et vos ty/
ranno fidem seruare pergetis q̃ cum libera ciuitate pepigistis
Romani quorum exempla preter eorum sapientiam libenter vsur/
po legionem suam que Regium sociam ciuitatem per tyrannidez
occupauerat armis victam securi percusserunt. non enim loco //
rum sed personarum rationem in societatibus considerabant. si
Thurce aut Mauri Florentiam occuparent non propter possessi/
onem loci teneretis illorum societatem non arbitror quia socios
vestros bonos ciues Florentine libertatis Amatores eiecissent
aut occidissent quid igitur. non est Laurentius eiusmodi Mau/
ris ac Thurcis eo peior quo scelestius est patrie sue tyrannum fi/
eri q̃ aliene. si posset Florentinorum res publica loqui et cum re/
liquos socios. Tum vos precipue ad sue libertatis conseruatio/
nem ex federe societatis vocare. certe cogeremini. aut perfidiam
fateri aut rationem aliquam allegare aut sociorum libertati suc/
currere nunc res publica loqui non potest vocem enim suam per/
didit cum hi qui pro ea loqui solebant aut nefarijs cedibus sub/
lati sunt aut in exilium detrusi at Pontifex Romanus ⁊ Rex sicu/
lus iusticie patroni et oppressorum subleuatores pro Florentino/
rum postq̃ omnium etruscorum et pro vestra libertate vos mo/
nent. et quid vobis agendum sit verbo atq; exemplo demonstrat
Quid expectatis. Quid cunctamini. An vt serui Remigio adi/
cti quemcunq; nauis dominum perferunt. ita vos cuicumq; tiran/
no parebitis vana fidei specie decepti ⁊ non vt socij nauales cum
alio rectore aliam putabitis rationem seruandam. nihil mihi ar/
rogo ⁊ vos q̃ ego sum multo doctiores existimo. tamen memorã
di non docendi gracia dicam. Non legistis apud Marcum Tul/
lium in multis eius libris. non apud diuinum Platonem. non a/
pud. S. Thomam aquinatem. non apud sanctum Augustinum.
non in historijs biblie. non in alijs sapientum ⁊ sanctorum libris
adeo abominabiles esse tyrannos. vt quicumq; illis adhereat co/
ram deo ⁊ hominibus scelestus ⁊ impius habeatur. ⁊ neq; solum

tyrannos occidere liceat verum etiam si aliter tyrannorum vim
effugere nequeamus. nosmetipsos necare oportet. si more barbar
ro florentinorum malis insultare potius q̄ vestris bonis consu
lere vobis libet. seruate cum florentinorum tyranno sub inani se
deris vmbra conditiones quas cum libera illorum ciuitate per
cussistis. Sin vestre libertatis conseruatione et vestri status au
gmentum et odio et ceteris rebus sicuti bonos et sapientes viros
deceat anteponeere statuistis. Expergiscimini aliquando et aduer
sus communem etrusce libertatis hostem consurgite. Multi cre
dunt imperij causa etiam ius violandum esse vos pro Imperio
vestro sanctum ius hoc est Tyrannidis odium ac depulsionem
Pontifice Romano et Rege Siculo duobus maximis principi
bus christianorum adhortantibus vtrum adiuuetis cunctamini
Satis manifestum opinor viri Lucenses nullo fidei vinculo ci
uitatem vestram florentinis minime aut Laurentiane tyranni
dis iugum perferentibus obligatam esse. Age modo considere
mus q̄ prudenter quanq̄ e vestra re publica in societate tyranni
persistatis. Equidem hoc a prudentibus probatum video atq̄ ob
seruatum vt in omni consultatione et honestatis ratio dicatur
et vtilitatis. duabus hijs rebus omnia commoda omnes bo
nas hominum fortunas constare. honestas certe ab isto vestro
consilio longe distat. quid enim magis inhonestum turpe infam
ie abominabile quaz excommunicatos anathemas profanos
complecti et sustinere. ecclesiam dei perditionis hominum
gracia ledere et a quibus plurima damna pertuleris ece in peri
culis iuuare amicos negligere inimicos adesse alienos miserari
se ac suos contemnere. Quid porro quam potestis ex florenti
norum societate presertim quamdiu Medicorum Tyrannide
verabuntur sperare vtilitatem qui quotiens per fortunam licu
it vestram libertatem occupare vos in seruitutem depimere to
tis viribus conati sunt. qui si vnquam spiritum collegerint si
ex hostium faucibus villo modo poterunt elabi non cessabunt
insidias vobis tendere. Bellum indicere. exercitum ad mu

ros agere. fame ac ferro libertatem ⁊ vitas vestras petere. An vo
bis excidit preteriti temporis memoria. cum villas vestras Flo/
rentini medicis auctoribus vastabant castella occupabant. vrbes
oppugnabant. populum vestrum ad vite desperationem fame
compellebant. dum tempus est vires eorum confringite ne simi/
lia in vos amplius vnq̃ temptare possint. non habebitis semper
Nicolaum paruulum qui vos a Florentini hostis crudelissimi se/
uicia bis liberauit Cui miroꝝ a vobis imagines publice locatas.
honores haberi proprie diuinos. quia libertatem vestram a Flo/
rentinorum seruitute vendicauit. Florentinis autem ipsis medi/
corum stimulante familia vestrorum malorum seminarijs fidem
vllam prestari aut vllam omnino rem credi Senes vestros audi/
ui predicantes eiusdem Nicolai paruuli consilium quod ille cum
vrbem vestram a Florentinorum obsidione liberasset maioribus
vestris dedit. Libertatem vestram eousq̃ duraturam dum vos
omni prorsus Florentinorum consuetudine abstineretis. Cerne/
bat dur ille belloꝝum peritissimus vestri amantissimus Florenti/
norum artium doctissimus tantaz esse in Florentinis maximeq̃
in Medicis astutiam maliciam prodendi calliditatem subornan/
di pollicendi largiendi vsum. vt nullo modo vos ab illorum frau/
dibus cauti esse possitis si cum vestris hominibus liberam com/
mercij facultatem haberent. Florentini vrbem vestram nullis ma/
chinis expugnabilem ab aliquo semper amico belli auxiliũ in Flo/
rentinos reperturam florentinorum medicis vigentibus iniqui/
tates ⁊ perfidias fugiendo tantum a vobis vitari. magnum de/
beret pondus illius ducis auctoritas apud nos habere. quecuq̃
res euenissent. maius autem eo q̃ experientis rerum illius dicta
probantur. neq̃ enim deterruit florentinorum tyrannum tercio
ab hinc anno vllum iusiurandum aut vlla fidei religio. quomi/
nus pacis ac societatis tempore tota italia quiescente cum nemo
quicq̃ hostile in etruria suspicaretur per Galeatium Sfortiam
vos prodere ⁊ libertatem vestram mercari niteretur. quocidem
tempore ego anxius veluti pro mea patria ex vrbe Bononia per

immensas niues ⁊ ingentia frigera apenino superato periculum
vobis vestrum nunciaui. non erubuit haud multos post menses
vos in bellum Genuensium suis pollicitis ⁊ prodicionibus frau-
de atq; astu impulsos deferere meminerat verbum aui sui Ec sine
medici q̄ ille predicare solebat a Florentinis Lucenses bello non
esse petendos ne Florentinorum viribus fractos alius occuparet
ceterum si ab alio quouis bellum Lucensibus inferretur facillime
Florentinos suo ipsius ingenio. sic enim scelera ⁊ prodiciones ap-
pellabat Luca vire potituros. Sexcenta sunt alia testimonia de
Florentinorum maximeq; de familie medicorum in Lucenses per-
fidia que nisi vos manifeste sciretis nunq̄ istas nocturnas diur-
nasq; vigilias tanto labore vestro tantaq; impensa per tot annos
vbi custodiende seruaretis quid sibi volunt nocturni per vrbem
ciuium discursus. quid muros lustratio continua. quid porta-
rum custodes. quid alia prope infinita que ne obesse quidem ci-
uitates castris hostium circumsepte tam diligenter omnia pera-
gunt. quid timetis. quid suspicamini. certe preter Florentinos ne-
minem. o sanctam Florentini tyranni societatem qua durante ma-
iori vobis est opus custodia quam si potentissimus hostis vrbem
vestram victorie exercitu circum sedente omnibus belli malis pre-
meret. Probantur vobis ista. v. L. Sed vno tamen adhuc nodo
vester animus distringitur scz veremini ne bello superiores Flo-
rentini victorem exercitum in vos conuertant si cum rege ac pon-
tifice contra ipsorum tyrannum belli consilia iungatis. quasi vero
Florentini non semper precipue tamen ex quo familia medicorum
potens facta est in vos machinati sint quecumq; potuerunt eniti
mini modo ne per fortunam liceat eis offendere vos. nam per vo-
luntatem vobis neq; ignouerunt vnq̄ neq; ignoscent. quanq̄
veretor ne iam vobis adulari videar. cum quod Rex ⁊ Pontifex
etiam sine vobis licet non tam facile. tamen quoquo modo effe-
cturi sunt. ad illud ego vos horrer veluti si absq; nostra opera nul-
lo modo duo christianorum summi principes iulissima vota sua
complecturi videantur. non ea solummodo causa moti ad vos mi

serunt verum illa quoque potentiam eorum maximam clemen-
tia et bonitas non minus comitatur propter ecclesiasticam etrus-
canque libertatem arma sumpserunt unicuique populo iura sua red-
dituri. vel cum magna strage piam voluntatem suam perficient
tamen eo maiorem ex suis benefactis voluptatem percepturi sunt
quo minore etruscorum in comodo etruscie statum composue-
runt ob hoc igitur vestram societatem petunt ut nullo malo vno li-
bertatem seruent vestram amissa restituant vobis fines vestros
extendant vident enim vos florentinis coniunctos prius magna
damna ex bello perpeffuros quam vllius commodi aut se percipiendi
tempus adueniat. nam in bellorum feruore non discussis plane
singulorum causis quod vincendi ratio suadet non quod quisque me-
reatur sepe considerari solet. nihil inquam aliud duo terrena christi-
anorum numina aut vobis querunt nisi ut vos sine vlllo bello de-
trimento victoriae fructum secum percipiat. tanti namque belli mo-
lem si spe vestrorum auxiliorum susceptam creditis nimium falli
mini. v. l. et regis ac pontificis sapientiam non satis notam ha-
betis. multa illi pertulerunt ne bellum in Italia viderent omnia
quibus Laurentij medici tyranni cum suorum moderatum iri ve-
risimile erat prius frustra experti immedicabile vulnus ne pars
sincera traheretur ense recidere aggressi sunt cum iam plane belli
euentum et Martem alias fere communem secum perspexerunt es-
se prius non spe lucrorum que semper contempserunt non vindicta
iniuriarum non cupiditate glorie non vlla proxius causa aut rati-
one de pacis complexu diuelli potuerunt et quicquid animis ac viri-
bus non modo Laurentio nuper aut mercatura ad tyrannidem
ludibrio fortune elato. sed ne vniuersis quidem terrarum potesta-
tibus essent inferiores. tamen non ante susceperunt bellum quam iu-
stissimis ac necessarijs sociorum et amicorum querelis prouocati
sunt et cetera inuictorie spe vitati cum suis et hostium viribus exa-
minatis quem finem res esset habitura longe tanquam e specula pro-
spexerunt. qui si quid esset de victoria. dubitandum profecto suo
ingenio et ea qua omnes vincunt et preteritos et presentes rerum

prudencia prouidissent. dubij nunq̃ se in bellum in certi exitus
misissent ⁊ qui olim iuniores nihil vnq̃ nisi grauissimo consilio
adori sunt iam grandiores haud quaꝑ inconsiderate quicquaꝑ
temptassent minime notari licet in rege temeritatem multo mi-
nus in pontifice cuius etas vitaꝑ omnis professio dignitas sapi-
entiam vndiqꝑ protendunt. Primum igitur duo christianoꝝ
lumina ad bellandum traxit vt ante dixi iusticia pro socioꝝ et
amicorū incolumitate ac pro ecclesiastica edruscoꝝqꝑ libertate
tum sapientia qua clare docentur nulla re hostem ipsis esse com-
parandum. Ponite vobis ante oculos Florentini tyranni vires
non equis habundat. non viris. non armis. non commeatu. Non
socios habet nisi infelices. ac iam fere de omni bona fortuna de-
sperantes. non ciuilem concordiam. non pecuniam quam viri re-
rum bellicarum peritissimi belloꝝ neruos appellant. non du-
ces quorū sepe virtus contra omnium opinionem belloꝝ for-
tunam commutauit. non deniqꝑ vllam rem ad resistendum ap-
tam. nedum ad vincendum idoneam. Et contra Rex ⁊ Pontifex
tantam vim habent equorū. quantum omnes Florentinoꝝ
opes ad alendum paucis diebus non sufficiunt. tantum comme-
atus quantum omnis Italia multis annis absumere nequeat.
Tantum porro viroꝝ vt nullus commeatus non paucos eri-
stimes ⁊ cuiusmodi viroꝝ nempe principum Italie quorū no-
bilitatem subiectarū vrbū nomina rerū gestarū famam
ne audire quidem sine tremore Florentinoꝝ tyrannus valeat.
Armoꝝ vero eam copiam q̃ si exercitum spectes nulla in Re-
gis ⁊ Pontificis vrbibus relictā dicas si apothecas deinde vrbū
intuere nulla a militibus ablata credas. Cōcordia inter eos
que inter patrem sapientissimum ac filium summa pietate predi-
tum debet esse. Jam pecunie numerum muli quotidie per agros
et oppida Senensium auro atqꝑ argento percusso onerati satis
declariant vel potius innumerabilem esse significant. Socios om-
nes habent qui aliqd viriū tenent preter eos quos p̃tim vincere

partim ad meliorem sensum conuertere et volunt et possunt. Ita-
q; societatem vestram querunt quoniam non vincere sed potius
beneficijs expleat atq; augere malunt si modo vos velitis. nam
inuitis beneficia non satis commode conferuntur. Nolite vetera
quedam exempla in istam deliberationem adducere gesserunt
alii Reges cum Florentinis bellum haud magno Florentinorum
damno. Que nam hec est similitudo viri Lucenses. Num simul
cum regibus etiam summi pontifices bellabant. in Florentinos
minime quid q; illis bellis Florentini erant inanies. nunc diui-
sum in se regnum tenent quod cito defoletur oportet. tunc per or-
bem terrarum longe lateq; mercatores eorum collectam pecuni-
am patrie subsidio ministrabant. nunc mens illozum Neapoli
et Rome euersus per omnes gentes fidem perdiderunt. tunc ob
iustam vel saltem ob simulatam cum iusticia administrationem
magna apud socios et subditos fide colebantur. nunc propter cru-
delem atq; auaram tyrannidam omnes rerum nouarum cupi-
dos reddiderunt. nemo Regum cum Florentinis bellauit Senen-
sibus amicis. At ecclesia Romana quondam rebelles fauore Se-
nensium tributum pendere coegit. Et postea Johannes Galea-
tius Uiccomes primus Mediolanensium Dux. Senensium iu-
ribus et locozum oportunitate adiutus a nō ad hinc circiter octu-
agesimo eo difficultatum compulit Florentinos vt castris circuz
Urbem positis oblessi desperantes Cetera missis etiam legatis
qui deditonem facerent solam illius ducis mortem intuerentur
ac ve nemo maturarent. quia nullus aut filiis aut heredibus ti-
mor ingruerat. Regem nostrum et melior causa et maior sapien-
tia. aut venenis ceterisq; malis tuetur. Tum robusta et nume-
rosa filioz iamq; etiam nepotum soboles protegit. hostibusq;
non tam de morte Regis sperandum q; pro salute ornandū. ne fi-
lij etate et natura vehementioris ac noua ingentiq; iniuria com-
moti contra Florentinos seuius irruant. Sed iam reuertamur
ad belli rationem. Idem Senenses ad comprimendam Florenti-
nozū superbiam nati quibus annitentibus semper victi sunt.

Florentini bellum diu flagitatum grauiter constanterq; gerunt
pro Florentinis periclitabatur aliorum Regum bellis Plumbini.
dominis. idem sub nostro Rege filij locum tenet. Genuenses no
stri Regis et Pontificis beneficio de acerbissima Eichi seruitute
liberati totis animis fauent. alios Reges nedum odio sed arma
tis quoq; classibus insectabantur. Romana ecclesia alios Reges
Florentinorum hostes aut aperto bello vexauit. aut qujeta impro
bauit. cum nostro Rege iisdem castris pugnat. Immo vero Re
gem ecclesia veluti pium ac fidelem obsequentemq; filium ad bel
lum exiuit gerendum pro libertate ecclesiastica ad impiam sacer
dotum ac pontificum cede[m] vliscendam. ad eturiam protegen
dam. ad coercendam vnius tyranni rabiem quo dominante nun
qua[m] qujeta fuit. sed nec illo incolumiunq; erit ecclesia. quid vo
bis ego Romanaz nobilitatem pro sua ecclesia bellantem vltimos
columnas comites sabellos referam. quid vmbrozum decus tifer
nates iustinos. quid perusinum robur. quid camerium principem
quid martis alumnum pinum ordolafium fori liuij dominum.
quid vero federicum vrbinate[m] ducem totius pontificalis et rei
gie militie princeps etatis nostre fabium qui nunquam victus
est. nunquam dubia victoria hostem reliquit. semper vicit.
omni bellica et civili laude omnem antiquitatem aut equauit aut
superauit. de quo silere fuerit satius q[uam] pauca loqui. qui solus eti
am inermis virtute sua de Florentinis victoriam reportare va
let. Deficio sub pondere viri Lucenses. et Alphonsum regis primo
genitum patris ac pontificis vicarium. magno preter antedictos
exercitu summa virtute summa industria bellum administrantem
quibus verbis digne commemorem non reperio. Jam ex Etru
ria in Ligures spectamus animum. fere in portis vestris alius est
Regis Pontificisq; exercitus quem vos exercitum tota animi et
oculorum acie lustrare debetis viri Lucenses. Hinc sunt nobi
lissime potentissimeq; Domus. Hic principes popularesq;.
Hinc Julius Aquanius. Hinc prudentia et rebus gestis clarus.
Hinc virtutum princeps semper infictus. semper interritus semp

fidelis. parua manu res marinas perficere solitus. Robertus se/
uerinas pristinis victorijs conspicuus recenti vero etiam admi/
randus. Militant hij omnes integra fide contra Florentinorum
tyrannum. quorum minima pars horribilior est illi q̃ olim fuit
auo eius Cosme et Florentinis omnibus Alfonso Rex filio suo
Regi nostro. neq; ducum militie virtute et numero. neq; filiorum
copia. neq; etatis integritate. neq; pecunie vi. neq; amiciciorum
fide ac multitudine conferendus. Et tamen idem Rex Alfonso
nollo Italorum fauore eludentibus Senensibus eriguis copi/
is marina damna Florentinis intulit captis illorum oppidis que
nunq̃ omnia receperunt. Cum liceret Gallici belli temporibus
occupato malis intestinis Rege Igilium et Castilionum veluti
in magno corpore vngium excrementa Rege vix sentiente ac pe/
ne incio recuperare. Sed Cosma Medicis nepote suo multa pau/
dentior ac sagacior. quia suum et Florentinorum statum videbat
amica ecclesia Romana et Siculorum Rege fore sempiternum eis
dem inimicis cito perituris. neglecta veteri Gallorum cum Flo/
rentinis amicicia concessione Castilioni et Igilij addito insuper
quantum potuit fauore Regis et ecclesie amicitiam sibi et patrie
comparauit. quam nepos eius si conseruare voluisset facile autez
poterat nisi se totum furori permisisset hodie quietus pulcherri/
mum locum in patria felici teneret. in qua turbulentissima per/
stulticiam suam cum vite periculo fluctuat In tanta nanq; mo/
rum et voluntatum dissimilitudine perpetuo durare amicicia nō
potuit Rex ac Pontifex omnium Christianorum quietem foue //
bant toto animo in Thurcas conuersi. At improbos iste libere
semper ante se patrie Tyrannus aut amico suo Regis Pupillo
Plumbinum furari temptabat. aut Senenses Regis et Pontifi/
cis amicos per Carolum montonem bello petebat. autem vos fi/
ducia societatis incautos aut simillimo sui emere studebat. aut
Lisernum ab ecclesie iure deducere conabatur. aut in oppidum
montonem ab ecclesia obsessum contra pontificis sanctitatez sub/
sidia mittebat. Aut cisternam oppidum ecclesie nocturno tempo

re scalis occupare nitebatur. Aut perusinos contra ipsorum 7 ec-
clesie quietem ad civilem sanguinem ita exacuebat q nonnullis
iam obtruncatis vir seditiones tollere pontifex valuit Aut man-
fredos fratres ad emulationem principatus contra primogenitū
fauentie dominum erigebat. Interea summos Italie principes
aut ore nefando lacefcere aut Venenis appetere non disinebat.
His omnibus 7 alijs plerisq quorum magnam partem pre pudo-
re magnam pre indignatione taceo. Rege ac Pontifice in se ac-
censis diuinam quoq iram concitauit propter quam perire illi
neccesse est perditam causam fouenti etiam si vinceret opibus qui-
bus longe superatur. Vos igitur viri Lucenses Regis ac Ponti-
ficis auctoritatem potentiam sapientiam fortunam considerate.
Laurencij debilitatem leuitatem imprudentiam stulticiam cala-
mitates cognoscite q iuste arma vtrinq sint capta examine.
Tum in vestram consultationem non vtrum hanc an illam cau-
sam foueatis adducite. Verum vtrum cum hoste publico ecclesie
Romane etrusce libertatis Italice quietis ruere. An cum pontifi-
ce 7 Rege triumphare malitis eligere.

¶ Finis.



[Faint, illegible handwritten text in a single column, likely in a Gothic or similar medieval script. The text is heavily faded and obscured by significant water damage and staining across the page.]

